

G. VI. 40/8.3







VENTISETTE EPIGRAMMI

DELL' ANTOLOGIA GRECA

TRADOTTI IN LATINO E ANNOTATI

DAL

PROF. D. G. B. TARASCONI



IN MODENA

COI TIPI DELLA SOCIETÀ TIPOGRAFICA

ANTICA TIPOGRAFIA SOLIANI

—
1885.

Estratto dal fasc. 52 di Luglio e Agosto 1885
degli *Opuscoli Religiosi Letterarj e Morali*. Serie IV, Tom. XVIII

*All' Ill.mo e M. R. Sig. D.^r D.^o GAETANO SIMONINI
Rettore del Collegio di S. Carlo in Modena.*

Il Prof. D. G. B. Tarasconi, dopo pubblicato nel 1879 il volume intitolato: *Epigrammata ex Anthologia Graeca cum latina metrica conversione et adnotationibus*, che egli siccome *monumentum et pignus singularis benevolentiae suae* volle dedicato *Alumnis Collegii Caroliani Mutinensis sermonis graeci et latini studiosis*; seguitò ad andarne traducendo altri. E questi, quando ne avesse cresciuto a bastanza il numero, aveva in animo di pubblicare quasi a continuazione di quel volume. Per la qual cosa egli aveva già notato in carta l'avvertimento: *Numeri Epigrammatum et paginarum hujus voluminis proseguuntur seriem voluminis editi an. 1879.*

E se egli avesse potuto mettere ad effetto il suo divisamento, come di certo avrebbe fatto dare alla stampa pari formato, non dubito che avrebbe voluto rendere evidente essere que' fogli la continuazione di quel precedente volume. Ancora avrebbe voluto premesso, come in quello, alla sua versione de' singoli

epigrammi il testo greco. Ma perchè è alquanto diversa la misura delle pagine di questi *Opuscoli* da quella della indicata sua edizione; e così è inevitabile che l'Appendice si presenti come un libretto stante tipograficamente di per sè, e d'altra parte io debbo fare risparmio di spazio; perciò a questi epigrammi do il numero progressivo 1, 2, 3,... e non 207, 208,... ed ometto il testo greco, che chiunque voglia può ben facilmente vedere in alcune delle edizioni dell'Antologia.

A parecchi di questi Epigrammi il Prof. D. Tarasconi aveva apposto sue annotazioni illustrative: e queste, com'era di dovere, riporto esattamente. Ad altri forse le avrebbe apposte in appresso: e tali epigrammi lascio così privi di note, perchè nè debbo nè voglio arrogarmi di fare le sue veci; tanto più poi che, in massima parte, quegli epigrammi non abbisognano punto di note.

Alle versioni poetiche aggiungo due prose latine, alle quali il Tarasconi diede la forma di Annotazioni da apporre a qualche epigramma cui si convenissero. La prima di esse si riferisce all'Epigramma che tra questi è il 18.^o Ma cresciuta la materia sotto la mano dell'A. riuscì in realtà una compita, dissertazione grammaticale, o trattatello didascalico: e perciò in vece di porla come annotazione a quell'Epigramma, la pubblico da sè. È uno de' suoi scritti riveduti e limati negli ultimi suoi tempi, e da lui destinati alla stampa. Intendeva per altro d'aggiungervi un paio di periodi di chiusa. Ma il progressivo scadimento di sue forze gl'impedì di farlo: non per questo la trattazione cessa d'essere compiuta.

Nel dedicare alla S. V. questi lavori del Prof. D. Tarasconi, tengo per fermo d'essere esecutore del volere di lui, il quale con animo tanto grato ebbe


confortata la sua senilità, ed alleviati per quanto era possibile i dolori dell'ultima e lunga sua infermità dall'amicizia e dalle cure della S. V.

Accolga pertanto questa offerta come proveniente insieme dall'amicizia e dalla riconoscenza dell'Autore, e dalla stima e dal rispetto che alla S. V. professa il suo

Modena, Settembre 1885.

Dev.mo Servitore

BARTOLOMEO VERATTI.



1. PAULI SILENTIARII. V, 230.

Poeta puellae crine vinctus, quomodo se liberet, non invenit. Natum est hoc carmen, quod etiam Brodaeus animadvertit, ex proverbiali locutione ἐκ τριχὸς κρέμαται, ἐπὶ τῶν σφοδρὰ κινδυνεύοντων.

Aureolum vellens unum sibi vertice crinem
Mi, ceu captivo, Doris amica manus
Vinxerat. Heic equidem risi, me rumpere nullo
Vincula, dum vellem, posse labore ratus.
Mox, ubi conatus frustra dissolvere, ahenis
Non secus ac vinctus nexibus, ingemui.
Infelix! nunc crine regor, dominaeque tenacis
Quo trahit et retrahit, subsequor arbitrium.

2. ANACREONTIS. VI, 141.

Qui fuit horrisson in bello Pythoni saluti,
Palladis hac clypeus pendet in aede sacer.

v. 1. θυσιαχὸς — Suidas in Δυσπηχίς, ὁ κατόχητος,
Homer. Il. 2, v. 686, vel 193.

3. MAERUS BIZANTIAE. VI, 189.

Nymphas precatur ut Cleonymo faveant, qui ipsis simulacra sub pinu ponenda curaverit.

O, Anigram, Nymphae, quae flumen habetis, et imum
Ambrosiae roseo curritis usque pede,
Salvete, ac sanum praestate Cleonymon, has qui
Vobis sub pinis dedicat effigies.

v. 1. Lectioni vulg. Ἀμαδρυάδες, admissae a Jacobsio, praeferrenda est lectio Ἀνιγριάδες, quam ex Ungero recepit Frid. Dübner.

Hamadryades vocantur ποταμοῦ κοραὶ, propter arbores ad fluminis ripam consitas et ab ejus aquis nutritas.

v. 2. « Nymphis Anigri ima tenentibus rosei pedes tribuuntur ob colorem aquarum hujus θινώδους ποταμοῦ. UNGER.

v. 4. *Pinis*. Plin, H. N. XXXVII n. 3 « ... ut gummi in cerasis, resina pinis ».

4. ANTIPHILI BYZANTII. VI, 199.

Antiphilus, ab itinere redux, Dianae in via collocatae pileum dedicat.

Quem peregre gessit, tibi custos diva viarum
En, petasum gratus consecrat Antiphilus.
Nam bona nec votis aberas, nec gressibus usquam
Nostris: parva refers, sed data corde pio.
Haec avidus ne sit qui tangat dona viator:
Haud impune abiit rem rapuisse sacram.

v. 1. *Divae viarum* in graec, Εἰσοδικῇ. Proprie Hecate viarum custos.

ἐπὶ λῆ cod. vat. quod verum puto. Elegans haec epitheti collocatio.

v. 2. πῖλον peregrinantes gestare solebant, quod passim observatum.

5. ANTIPATRI. VI, 241.

Galea Pisoni muneri missa.

Sum galea, et duplex mihi vis: nam visa ab amicis
 Laetitiā pario: visaque ab hoste, metum.
 Nunc Pisonis, eram ante Pylaemenis; altera digna
 Nec galea hoc capite est, nec caput hac galea.

v. 3. *Pisonis*. Vid. Epigrammata nostra n. 7.

Pylaemenis, qui Jacobsio fuisse videtur rex Paphlagonus, memoratus Il. 2, 851, ejusque galeam in Macedonia repertam Antipater noster existimasse munus Pisone dignum.

Il primo distico fu variamente tradotto dal Tarasconi. Eccone altre due lezioni.

Sum galea, et duplex mihi sors data: cernar amicis,
 Laetitiā pario; cernar ab hoste, metum.

Sum galea, et duplex mihi vis: me cernat amica
 Gens, gaudet; cernat gens inimica, pavet.

Nè io potrei affermare a quale egli desse la preferenza.

6. INCERTI. App. 141.

Parrhasii diagramma, Myos sculptura, cadentem
 Aeacidum telis Ilion exhibeo.

v. 2. *Ilion* Accus. graeca positione. Dicitur enim *Ilion*, si gen. n. et *Illos*, si gen. f. Invenitur etiam aliquando *Ilion*, si f. sed tunc est ellipsis, et *Urbs* subintelligitur. Vid. Forcell. voc. *Ilion* et *Pelion*.

7. SIMONIDIS. VII, 77.

Hic est servator Cei Simonidis, hic vel
 Extinctus vivo praemia persoluit.

Cic. de Divinat. I, n. 27 de Simonide « qui cum ignotum quendam projectum mortuum vidisset, eumque humavisset, haberetque in animo navem conscendere, moneri visus est, ne id faceret, ab eo, quem sepultura affecerat: si navigasset, eum naufragio esse periturum: itaque Simonidem redisse: perisse caeteros, qui tum navigavissent. » Hanc rem latius narret *Val. Max. lib. I, cap. 7, 3 extern.*

8. INCERTI. App. 305.

Sculptor Praxiteli florebam haud arte secundus,
Vixque annum lustris quinque ter addideram.
Eutychides, heu falsum, mihi nomen, ad orcum
Invida si miserum mors cita praeripuit.

v. 3. *φευδώνυμον*. Falso se Eutychiden i, e. Felicem appellatum esse ait, cum tam immature infelici fato ad inferos abreptus sit.

9. INCERTI. VII, 330.

Quem cernis tumulum, vivus sibi Maximus ipse
Fecit, ubi jaceat post sua fata cinis;
Communemque Calepodiae vult conjugis esse
Ne sibi defuncto jam suus absit amor.

10. AGATHIAE. VII, 551.

In fratres, qui postquam summa concordia vixerant
eodem tempore mortui eodemque tumulo sepulti sunt.

Paulum et Letoum fratres ab origine junctos
Iunxit vita velut foedere conjugii.
Hisque eadem Parcae neverunt stamina, eundem
Bosporii tumulum littoris ora dedit.
Et quia non poterant sejuncti ducere vitam
Persephonem socio nunc adiere gradu.

Salvete, unanimi fratres. O Concordia vestro
Aram stare sibi cerneret in tumulto?

v. 8. Ὁμοφροσύνης. Vulgo eadem est Ὁμοφροσύνη,
quae Ὁμόνοια cuius aram apud Eleenses tradit Pausan.

11. THEOSEBIAE. VII. 559.

In mortem Ablabii medici Hippocrati et Galeno com-
parandi.

Novit Acestorie ter luctum vertice tonso

Tum morte Hippocratis doluit, tum morte Galeni.
At nunc Ablabii (miserum!) jacet ante sepulcrum,
Post hunc ante oculos hominum non ausa manere.

v. 2. (*altra lestone*). Hippocratis doluit mortem, do-
luitque Galeni.

v. 4. Pudet illam post Ablabii fata, inter homines
conspici; quod nimis tantum artis suae antistitem siverit
perire. JACOBS.

12. ANYTES. VII, 646.

Bratus, puellae morientis, verba ad patrem.

Brachiolis collum cari complexa parentis

Haec Herato lacrimans ultima verba dabat:

O Pater, heu, tua jam non sum, mea lumina vitam

Linguentis manibus mors tegit atra suis.

v. 3. 4. *Mea lumina vitam linguentis*. Saepe a Graecis
genitivi pronominum primitivorum (Ital. *personati*) ἐμοῦ
σοῦ, *mei, tui* etc. ponuntur eodem sensu quo pronomina
possessiva ἐμός, σός, *meus, tuus*; imo cum adhibentur
possessiva, si eisdem addendum sit per appositionem ali-
quod nomen substantivum, aut adjectivum, aut participium,
id effertur casu genitivo primitivorum, quamvis possessi-
vum, ad quod refertur, sit alio casu expressum. Exemplo
sint verba quae hic postremo disticho leguntur ἐμὸν ὄμμα....

Ἡδὴ ἀποφθιμένης *meum oculum jam morientis*. Haec constructio quam in latina constructione servavi, vocatur κατὰ συνῆσιν, *ad sensum*, seu logica, et praefertur constructioni grammaticali, quae verum sensum non redderet. Quis enim non videat quantum sensu inter se differant *oculus meus moriens*, et *oculus meus morientis*, i. e. quae morior? Constructio huiusmodi logica invenitur etiam, quamvis non tam late patens, apud Latinos, qui frequenter cum possessivis pronominiibus copulant *unius*, *solius*, *ipsius*, de quibus et aliis vid. Alvarum, Gram. lib. 2 cap. XIV. Mihi satis sit de genitivo participii, cujus gratia haec adnotatio est incepta, pauca in exemplum proferre, Cic. *pro Planc.* 10. « *Cui nomen meum absentis honori fuisset, et meas praesentis preces non putes profuisse?* » Horat, I, Sat. 423.

Quum mea nemo

Scripta legat recitare timentis.

Ovid. 5, Heroid. 45.

Et flecti et nostros vidisti flectis ocellos.

Frequentius tamen et saepe elegantius, ut monet Voss. libr. de Construct. Cap. 57, Scriptores prosae orationis pro genitivo participii utuntur relativo *qui* et verbo modi finiti; ut Cic. 14 Ep. Fam. 1. « Sed omnia sunt mea culpa commissa, qui ab iis me amari putabam, qui invidabant. » Ubi verba *qui putabam* sunt pro participio *putantis*. Quae circumlocutio necessario adhibetur in verbis quando carent participio. Sic Plin. 4, Epist. 14. « Vehementer interest vestra, qui patres estis, liberos vestros hic (in patria) potissimum discere. »

Non alienum arbitror hic adnotare, quod in libris grammaticis quibus utuntur adolescentuli in scholis, desideratur, et a Matth. Gram. Graec. §. 431 traditur, Graecos adjectivis quoque quae a nominibus propriis derivantur, adungere genitivum appositionis, quandocumque nomina ipsa propria aliquo additamento adornanda videntur. Homer. II 2, 54. Νεστορέη παρα νηϊ Πυλῆγευός Βασιλῆος. Nestoream apud navem Pylinati regis.

Ex hac doctrina mirifice illustrari potest locus *Æn.*
12, 738.

.... Postquam arma dei ad Vulcania ventum est,
Mortalis mucro, glacies ceu futilis, ictu
Dissiluit: fulva resplendent fragmina arena.

Virgilius, ad imitationem Graecorum genitivum *Dei* apposuit adjectivo *Vulcania* deducto a nomine proprio *Vulcanus*. Quam appositionem consulto adjectam nemo non dixerit, qui consideraverit, quae oppositio exurgat ex sequenti dictione *mortalis mucro*. Hinc etiam nostri adolescentuli videant, quantum graeci sermonis studium ad plenam latini cognitionem conferat.

13. PLATONIS. VII, 670.

In obitum Asteris pueri pulcherrimi.

Aster, in vivis fulgebas Lucifer olim,
Nunc fulges Vesper Manibus in mediis.

v. 2. (*altra lezione*) Lucifer ante., Manibus umbricolis.

Lusus est in nomine pueri, qui Ἄστρος appellabatur. Hunc Platoni in deliciis fuisse plures dixerunt; Aristippus eum una cum philosopho Astronomiae operam dedisse tradidit ap. Diog. p. 182 ex hoc ipso disticho, ut videtur. Ita Jacobs in Epigr. 669. Cap. VII.

Appulejus in Apolog. p. 417 sic vertit.

*Lucifer ante meus rutilans mortalibus Aster,
Hesperus a fato manibus ecce nites.*

Vertit etiam Ausonius ep. 144.

*Stella prius superis fulgebas Lucifer; at nunc
Extinctus, cassis lumine Vesper eris.*

Acumen est in eo, quod pueri pulcritudine conspicui stellis comparantur; cujus comparationis fons ap. Homerum est. Il 6, 401.

14. ANONYM. VII, 695.

Imagini Cassiae, in monumento fortasse sepulcrali
conspicuae, subscriptum.

Pulcrum modestae Cassiae vultum vides:
Quamvis obivit, nota sui virtutibus
Pulcritudo animi magis quam corporis.

Graec. Etsi obiit, virtutibus cognoscitur animi *ejus*
pulcritudino magis quam corporis.

15. INCERTI. App. 149.

Laudatur Polycles, nescio quis, ob prudentiam in
consiliis et fortitudinem in bellis pro patria susceptis de-
monstratam.

Hic te marmoreum cives posuere, Polycles,
(Haud aetas nomen deteret ulla tuum)
Qui te consilio, dextra vitaeque modesta
Praestantem norunt praesidium patriae.

v. 2. Verba *ὁ μνηστήρ*,... *χρῶς* orationem institutam
elegantè interrumpunt. Vid. Lobeck ad Sophocl. A. p. 294,
Jacobs, Tom. 3 (pars critica) pag. 925.

Tuam gloriam nullum unquam tempus imminuet. Id.
ibid.

16. CYRL. 9, 136.

O genitor mandasset oves mihi pascere curam!
Tunc equidem recubans ulmi vel rupis in umbra
Tristis arguta solarer arundine casus.
Pierides, pulcra fugiamus ab urbe, novamque
Quaeramus patriam. Jam nuntius omnibus ibo
Ingressos fucos et apum tenuisse penates.

17. ANTIPATRI. IX, 552.

Alexandri gladius, e ferro Macedonico confatus Pisoni traditur.

Ensis apud Macetas ferro fabricatus, et ipsa
Doctus Alexandri fortia facta manu,
Piso, tuas veni in palmas, clamoque beatus:
Debita quaerenti dextra reperta mihi est.

v. 1. τὰ πρὸς ἀλκὴν i. e. quam didicerim esse fortis
a manu Alexandri.

v. 3. Gaudet gladius quod ex fortissimi viri hereditate
in fortis viri manum pervenerit.

18. INCERTI. IX, 699.

In fontem, cui Alexander Olympiadis matris nomen
tribuisse dicitur. Plures fontes hoc nomen gessisse viden-
tur. Unum commemorat Pausanias apud Arcades lib. 5,
c. 9, pag. 606.

Magnus Alexander bibit hujus pocula lymphae,
Quae matris lacti ratus esse simillima, fonti
Nomen Olympiadem dixit, signumque reliquit.

v. 3. σῆμα δὲ τοῦτο in fine. Vult igitur, Alexandrum
prope illam fontem etiam monumentum posuisse, quod no-
men fonti indictum causamque ejus indicaret.

19. INCERTI. X, 40.

Nequando mala lingua, cave, te fallat, amico
Ut veteri quaeras substituisse novum.

20. AMMIANI, XI, 209.

In egredientem fines suos et alienos agros occupantem.
Continues injustus agros licet usque columnas
Herculeas, te pars, quae sua quemque, manet:

Nilque jacebis habens, obolum nisi, ut Irus; humusque
In quam solveris, non erit ipsa tua.

v. 1. *Continues agros*, propages fines agrorum.

Cic. 3, Agr. 4. *Ingens cupiditas agros continuandi*.

v. 2. *Columnas Herculeas*; duos montes ad fretum Gauditanum (stretto di Gibilterra) qui occurrunt intransitibus ex oceano in mare mediterraneum; horum unus ad Hispaniam pertinens, *Calpe* appellatur, et alter ad Mauritaniam, *Abila* dicitur.

v. 3. *Obolum* parvum numum, apud Graecos, circiter XVI nostratibus numis quos *centesimi* vocamus, respondentem, qui in os mortuorum immittebatur, ut Charontia nautum possent exsolvere.

Ammianus, qui sub Trajano et Hadriano floruit carmen suum texuisse videtur ad exemplum loci quam maxime elaborati Horat. 2, Od. 18, 23 et seg.

21. ANTIPHALIS, XI, 348.

In parricidam.

Te, mage saeve feris, oderunt cuncta, necator

Patris: quoque ieris poena parata tibi est.

Si fugias terra, lupus obvius; arboris altos

Ascendas ramos, insidet aspis atrox.

An Nilum tentes? Crocodilus bellua servat

Natales ultrix impietatis aquas.

22. LUCIANI. XI, 403.

In podagram divitum pedibus infestam.

O Dea mendicos fugiens, ditumque domitrix,

Ac bene, quotquot eunt, vivere docta, dies;

Alterius pedibus quamvis insistere cures,

Ungue cauta foves fasciolisque tuos.

Serta tibi grata, ausonii tibi pocula Bacchi

Deliciae, quarum nescia pauperies:

Hinc inopum nil aeris habentia limina vitas,

Gaudens ad molles divitis ire pedes.

v. 2. *Ditum* genit. plur. apud Forcellin. ex Seneca, sed apud eundem desideratur genit. *ditum* adhibitus a Sallustio lib. 3 Fragn. Hist. in oratione Macri Licinii ad plebem. n. 26. *Huc tre licet et illuc, munere ditum dominorum.*

v. 3. *Quotquot eunt ... dies*, i. e. *quotidie*.

Horat. 2, Od. 14, 5.

Non si trecenis, quotquot eunt dies,

Amice places illacrimabilem

Plutona tauris.

v. 3. *Allertus pedibus*, v. gr. pedibus lecticariorum.

— *Fasciatis*, impiliis, pedum tegumentis ex lana coacta.

v. 4. *Unguine*, Homines opulentes ac molles sumptuosos unguentis etiam pedes sibi perfundebant. Vid. Forcell. voc. *Unguentum*.

v. 7, 8. Sensum ita interpretatur Jacobsius, *Del. Epigr. c. VII, 65. Vitato pauperum limine, opulentis das operam* hisque inservis: *hoc enim est πρὸς πόδας ἐπεσθαι quia servi ad herorum pedes stabant. Vid. ad cap. VI ep. 37 (Anthol. l. XI, 11).* At huic explicationi obstat in primis verbum ἐπεσθαι quod proprie non significat *stare*, sed *venire, ire, accedere*: quam significationem retinet quoque in Ep. ad quod lectorem mittit Jacobsius. Deinde contextus sententiarum ex quibus apparet podagram ad pedes divitum ire non ut inserviat, sed ut sibi inserviat: servi quidem in Conviviis ad pedes heri stabant; sed hoc servile munus hic podagrae tribui non potest.

Vide quam simili modo ludat Martialis XII, 17 de diutina Lentini febris.

23. ARCHIAE. XVI, 94.

Ad incolas Nemeae ob leonem hisdem infestum ab Hercule interfectum gratulatio. Vid. Theocrit. Idyll. 35

v. 195-281 ubi Hercules ipse suum cum leone nemeaeo certamen plane narrat.

Parcite nunc demum voces horrere leonis,
 Pastores Nemeae, neve timete gregi.
 Herculea pressus dextra domitrix ferarum
 Corruit elisis faucibus exanimus.
 Pasqua tuta boves repetant; rursus audiat Echo
 Mugitum, vallis quae cava saxa colit.
 Tuque leoninam, victor, rursus indue pellem,
 Aversamque tibi flectere perge deam.

v. 1. *Altre lezioni di questo primo verso.*

Parcite terribiles voces horrere leonis....
 Parcite jam solitas voces etc.

v. 3. *Domitrix ferarum.* Hercules varias feras edomuit aut occidit: hinc a Seneca *Herc. Oel.* 1989 vocatur *domitor ferarum*.

v. 5. *Nemeae:* Nemea, oppidum Peloponnesi cum silva, seu regione silvosa, et rupes ejusdem nominis, ubi Hercules leonem prodigiosae magnitudinis occidit. In cujus facti memoriam ludi Nemeae instituti fuerunt.

ib. *Neve*, et per apocopen *neu*, aliquando, ut hic, adhibetur pro *et ne*.

Ovid. l. Trist. 5, 35 Rebus succurrite lapsis.

Et date naufragio litora tuta meo;

Neve metu falso nimium trepидate timentes....

id. V, Trist. 8, 21.

Neve tamen tota capias fera gaudia mente.

et Met. 14, 159. *Neve* ea ficta putes....

Hor. l. Od. 2, 50. Hic ames dici pater atque princeps;

Neve sines Medos equitare inultos.

v. 7. *Leoninam... rursus indue pellem.* Mythologi vulgo dicunt Herculem leonis Nemeae pellem gestasse. Hic autem Archias sequitur Apollodorus, qui tradit Herculem ante hunc interfecisse alium leonem in Cithaerone, ejusque pel-

lem induere solitum. Quare poeta hortatur Herculem ut pellem ad commodius certamen ineundum depositam resumat, aliisque facinoribus Junonis novercae odium placare pergat.

24. CRINAGORAE. XVI, 273.

In laudem Praxagorae medici,

Elicito dextram panaces humore fragrantem
 Phoebigena ipse tuo pectore, Praxagora,
 Tersit, quo curas artis tibi solveret, ac te
 Qui dolor a longis febribus eveniat,
 Quaeque super sectam medicamina ponere pellem
 Expediat, felix Hepione docuit.
 Tales suppeterent medici mortalibus aegris,
 Umbrifera haud iret semper onusta ratis.

v. 7. (*Altra lezione*). Tales si medici plures mortalibus essent.

v. 3. *ἀνίαι*. Hanc ob causam omnia febrium remedia, omnemque vulnerum curandorum rationes tenes.

25. AGATHIAE SCHOLASTICI. Plan. 331,

In imaginem Plutarchi.

Cheronaeae, viri latii, Plutarche, figuram
 Insignem fama constituere tuam:
 Quod scribens vitas, genuit quos Graecia magnos
 Cum magnis confers quos tulit Ausonia.
 At nec tu ipse tuae parilem conscribere vitam
 Posses, nam vita par tibi nullus adest.

26. MNASALCAE SICYONII. Groot. Tom. III, pag. 366.

Pingitur Virtus lugentis habitu Voluptati adsidere, et
conqueri quod ἡ τέρψις sibi anteponatur. Opponuntur sibi
ἡ ἥδωνη, Epicureorum voluptas, quae multas virtutis partes
habet et τέρψις, corporea voluptas, in qua nullus virtuti
locus.

Hic vicina Voluptati, miserabile visu!

Adsideo Virtus, dilaniata comas,

Ingentique animum perculsa dolore, quod omnes

Hanc, unde omne malum, praeposueri mihi.

Asclepiades hoc carmen Mnasalcae accomodavit ad
tumulum Ajacis. (VII, 145). — Vid. pag. 76 edit. 1879.
Ep. 101.

27. APP. 191.

Haec nova pro merito et magna virtute dederunt

Prudentes ducibus praemia Cecropidae.

Sic et erit magis, haec ut quis quum viderit olim

Aeque de patria promeruisse velit.

Hoc epigramme cum duobus aliis insculptum Hermis
erat. Vid. Aeschinem et Plutarchum in vita Cimonis.

I.

*De nominum propriorum impositione
latine significanda.*

1. Si hic de quibusdam formulis, seu modis, quibus boni latinitatis auctores nomen alicui inditum enunciant, aliquanto longiorem adnotationem posuero; id non inutile et ingratum latini sermonis studiosis futurum arbitror.

= Duae istae (inquit Gellius XV, 29) in loquendo figurae notae satis usitataeque sunt. *Mihi nomen est Julius*, et *mihi nomen est Julio*..... = Sic proculdubio cum Jacob. Gronovio, quem vide sis ad h. l., debent legi duo loquendi modi a Gellio allati; non vero, *Mihi nomen est Julio*, et *Mihi nomen est Julii*, ut legunt aliqui, quibus mirum est accessisse Forcellinium (voc. *Nomen*, §. 1 ed. Patav. 1827), qui nullum potuit afferre exemplum classici scriptoris quo probaret *nomen* cum genitivo a se pendente constructum.

2. In prima formula Gelliana, *Julius* est nominandi casus per appositionem voci *Nomen* additus; in altera, vox *Julio* est dandi casus per attractionem adhaerens voci *mihi*. De figuris, appositione et attractione, vid. quae ad Epigr. 125. v. 2 et epigr. 147, v. 4. adnotavimus (1). Et quoniam Gellius illas formulas, utpote aetate sua satis notas, nullis exemplis illustravit, id nunc mihi minime negligendum puto.

(1) Queste citazioni si riferiscono alla edizione del Tarasconi (Modena, 1879) indicata nella Lettera premessa a questi Epigrammi.

3. Exempla formulae « Mihi nomen est Julius.

Cic. Brut. 62. «..... Sex. Titius.... homo loquax
 « sane et satis acutus, sed tam solutus et mollis in
 « gestu ut saltatio quaedam nasceretur, cui saltationi
 « *Titius* nomen esset. »

T. Liv. I, 1. « *Troia* et huic loco nomen est. »
 id. I, 34. « Demaratus.... duos filios genuit. Nomina
 « his *Lucumo* atque *Aruns* fuerunt. » id. III, 57.
 « Leges decemvires quibus Tabulae duodecim est
 « nomen, in aes incisae publice proposuerunt.

4. Exempla formulae « Mihi nomen est Julio. »

T. Liv. I, 39. « Puero dormienti, cui *Servio*
 « *Tullio* nomen fuit, caput arsisse ferunt. »

Cat. Orig. apud Cortium, Fragm. Histor. (pag. 10)
 « *Fluvio* nomen est *Taccolico*. »

Interdum dativus, quo nomen proprium attrahatur,
 subauditur.

T. Liv. I, 4. « *Lupam*.... lingua lambentem pue-
 « ros magister regii pecoris invenit: Faustulo fuisse
 « nomen ferunt. » id. XXVI, 50. « *Scipio*.... accepit,
 « desponsatam eam principi Celtiberorum adolescenti:
 « *Allucio* nomen erat. »

Q. Curt. IV, 36. « A celeritate, quo (amnis)
 « defluit, *Tigri* nomen est inditum. »

5. Constructio adhibita in formulis, quibus inest
 verbum substantivum, servatur etiam ubi substituitur
 verbum passivum aut intransitivum. T. Liv. I, 34.
 « Puero in nullam bonorum sortem nato, ab inopia
 « *Egerio* inditum nomen. » Ovid. I, Fast. 237. « Inde
 « diu genti mansit *Saturnia* nomen. »

Quod si in locum verbi substantivi sufficiatur ver-
 bum activum, tunc pro nominativo appositionis usur-
 patur dativus attractionis. Virgil. IX, *Georg.* 271.
 « Est etiam flos in pratis, cui nomen *Amello* Fecere
 « agricolae. » Interdum vero pro dativo attractionis

adhibetur accusativus appositionis. T. Liv. I, 1. « Stirps
« quoque virilis ex novo matrimonio fuit, cui *Asca-*
« *nium* parentes dixere nomen. »

Ovid. 3. Fast. 245. « Adde quod excubias regi
« Romanus agebat, Qua nunc *Exquilias* nomina
« collis habet. » Virg. III. *Æn.* 18 « moenia prima
« loco..... *Aeneadasque* meo nomen de nomine fingo. »

6. Non me latet illa communis Grammaticorum
sententia, nomen quod alicui inditur, posse praeter-
quam casibus, de quibus supra dictum est, exprimi
genitivo, ita ut in latinitate non peccaret qui diceret,
Mihi nomen est Petri, vel *Petri nomen habeo*. Utro-
bique enim, ajunt illi, genitivus *Petri* a voce *nomen*
penderet.

Hinc Servius ad Virgil. I. *Aen.* 271 haec adno-
tat: « Dicimus autem et *nomen mihi est Cicero*, ut
« Terentius *Hecyra est huic nomen fabulae*, et *Ci-*
« *ceronis*, ut Sallustius *Cui nomen oblivionis con-*
« *diderant*, et *Ciceroni*, ut *Cui Romulo cognomen*
« *erat*, et *Ciceronem*, ut *Aeneadasque meo nomen*
« *de nomine fingo*. Melius est tamen dativo uti. »
Servio concinere videtur Donatus, qui ad illud Terent.
Hecyr. Prol. I. *Hecyra est huic nomen fabulae*, ita
scribit: « Nominativo casu figuravit, quamvis praesto
« sint exempla, quibus veteres per omnes fere casus
« hoc genus locutionis enunciabant. » Per verba au-
tem *omnes fere casus* intellige Nominativum, Geni-
tivum et Dativum, ut monet Frid. Lindenburchius,
Donati explanator.

7. Neque aliter illi, quos mihi e posterioribus
contigit videre, grammatici loquuntur. Quorum unus
instar omnium sit celeberrima hac nostra aetate Madvi-
gus, qui in Indice suae grammaticae (trad. del
Dott. Carlo Fumagalli. Milano, 1869) voc. *Nomen*,
quid in § 246 tradiderit, his verbis indicat: « *Nomen*
« *mihi est Mercurio, Mercurius, Mercurii.* »

8. Ne quis igitur formulas quibus inest genitivus, aut inscitia, aut negligentia a me praetermissas existimet; videndum est quo fundamento grammaticorum sententia nitatur. Quod priusquam aggrediar, oportet constituere quid sit nomen proprium, et deinceps etiam declarare, quatenus hic tractamus de ejus impositione latine significanda. Quae duo si bene teneantur magno futura sunt momento ad recte iudicanda quae contra afferuntur aut afferri possunt pro genitivo.

9. Quod spectat ad primum, sic nomen proprium optime definit Cicero I. *In v.* 24. « Nomen est quod « unicuique personae datur, quo suo quaeque proprio « et certo vocabulo appellatur. » Quod si hic tantummodo vocabulum *personae* mutes in vocabulum *rei*, plane bene ad Ciceronis normam nomen etiam rei definiveris. Ex quo consequitur nomina gentilicia, quibus gens, seu familiae ejusdem stirpis designantur, et cognomina quibus familiae inter se distinguuntur, itemque agnomina, quibus insigne factum aut qualitas in memoriam revocatur, (1) nomina denique quibus dignitatis vel honoris gradus significatur non esse *propria*, sed *appellativa*; quia non proprio et certo sed pluribus communi et incerto vocabulo personam appellantia, eam non definite distincteque designant. Idcirco solum κατ' ἐξοχήν (per excellentiam) nominum

(1) Saepissime pro agnomine usurpatur Cognomen. T. Liv. XXV, 2. « P. Cornelius Scipio cui post Africano Cognomen fuit ». Quamvis autem *Publius* sit nomen et *Cornelius* sit cognomen, tamen *Publius* et *Cornelius* sic conjuncte positi, habentur ut nomen, ac proinde *Africanus* ut cognomen. Vid. Contium ad Sallust. Jug. V. 4. Sic interdum nomen pro cognomine ponitur. Cic. Caecin. 10. « Argentarius Sextus Clodius cui nomen est *Phormio*. » Item pro agnomine, Horat. IV, Od. 8. v. 18. de P. Scipione « qui domita Nomen « ab Africa lucratus rediit. »

propriorum vice persaepe funguntur. Quamobrem loca classicorum, ubi nomen impositivum genitivo expressum habetur, nihil ad rem nostram faciunt, si id nomen non vere sit proprium, sed appellativum. Ut in exemplis quae subijcimus.

10. Alterum quod volumus praemonere est hic quaeri de nominis impositivi exprimendi modis, iisque absolutis, sine ullo respectu ad aliam aut personam aut rem cognominem, quales omnino sunt modi a Gellio memorati.

Propterea ad tuendum genitivi usum, extra terminos nostrae quaestionis esset proferre v. gr. illud Virgil. Aen. VI, 381. *Aeternumque locus Palinuri nomen habebit*. Per genitivum enim *Palinuri* respicitur ad causam, cur Lucaniae promontorium, (non procul a Velia), in quo sepelietur Palinurus Aeneiae navis gubernator, vocabitur nomine quod erat proprium Palinuri. Ea causa minime aperte indicata fuisset, si poeta dixisset, *Palinurum* aut *Palinurus* nomen habebit. Item alienum esset illud ejusdem Virgil. Aen. IX, 297, ubi Ascanius alloquens Euryalum, pollicetur matrem ejus sibi quoque matrem futuram, et tantummodo carituram nomine quod habebat Creusa mater ipsius Ascanii.

« Spondeo digna tuis ingentibus omnia coeptis.

« Namque erit ista mihi genitrix nomenque Creusae

« Solum defuerit. »

Si Ascanius diceret, *Creusa* nominandi, vel *Creusae* dandi casu, non appareret ratio cur id nomen esset illi mulieri defuturum.

11. His expositis, venio ad grammaticos, quos supra nominavi. Et quoniam grammaticorum praecepta tantum valent, quantum rationes aut classicorum exempla, quibus confirmantur; Donatum et ejus

interpretem praeteribo, qui nullis quod ajunt comprobant argumentis. Servius autem ad evincendum genitivi usum affert ex deperditis Sallustii libris verba: *Cui nomen oblivionis condiderunt*. Quo loco, quamvis imperfecto (deest enim antecedens ad quod referatur dativus cui); satis tamen manifestum est Sallustium loqui de praeclaro Thrasybuli facto, quo Athenienses, *reconciliata pace*, (ut ait Nepos, *Thras. III*) *legem tulit, ne quis anteactarum rerum accusaretur, neve mulctaretur; eamque illi legem oblivionis appellarunt*. — Haec oblivio, addit Val. Max. IV, 1. *Ext. IV*, quam Athenienses ἀμνηστία vocant, concussum et labefactum civitatis statum firmavit. Servius itaque Sallustii auctoritate nihil probat; quum oblivio sit nomen appellativum, uti graece est ἀμνηστία, et solum per excellentiam et ex contextu orationis significat quamdam legem specialem ad quam oblivio referenda sit. Differunt tamen ἀμνηστία et oblivio, quod graece illa praecipue de injuriis dicatur; haec vero latine de omnibus rebus indiscriminatim, quarum recordatio non habetur.

12. Inefficax quoque ob eandem causam censendum est quod tradit Madvigus, qui *Gramm. Lat.* §. 246 haec scribit: « Il nome (proprio) si può ag-
« giungere anche al genitivo che vien retto da no-
« men, p. es. *Q. Metello cognomen Macedonici indi-*
« *tum est.* (Vell. I, 11). » Hic, ut omittam quod parum aut nihil ad rem attinet, Madvigum duo Velleji loca, alterum I, 11, alterum II, 11 in unum confudisse; (1) nemo non videt vocem *Macedonici* esse nomen ap-

(1) Vell. I, 11. «.....quippe Q. Metellus praetor, cui ex virtute *Macedonici* nomen inditum erat.» et II, 11. « Metelli tamen et triumphus fuit clarissimus, et meritum; virtutisque cognomen *Numidici* inditum. »

pellativum, eoque vocari posse quidquid aliqua ratione ad Macedoniam referatur. Idcirco autem Q. Caecilius Metellus Macedonicus est cognominatus, quia, devicto Pseudophilippo. Macedoniam recuperavit.

13. Formulas vero illas, *Nomen mihi est Mercurio, Mercurius, Mercurii*, quas idem cl. v. posuit in Indice suae Grammaticae, jam pridem adscripserat Taddæus Ugoletus ad Plaut. *Amphytr.* Prolog. v. 19.

Jovis jussu venio, nomen Mercurii est mihi.

At, quemadmodum plures eruditi hic legendum conjectaverant *Nomen Mercurio est mihi*; sic eam lectionem in sua Plaut. edit. F. H. Bothe ex cod. Pal. 5. confirmat, carpitque acriter Lambinium qui hoc loco, omnes libros tum manuscriptos tum vulgatos proferre dixerat, *Mercurii*, non, quod aliis placuerit, *Mercurio*.

14. Vix tamen crederem, nisi oculis meis legissem, ipsum Bothe contentum fuisse simpliciter animadvertere, dativum *Mercurio* non esse genitivo *Mercurii* deteriorem. Par enim erat doctum censorem et interpretem, hoc saltem admonere genitivum istius modi inusitatum esse stilo plautino. Certe equidem, quum Plauti Comoedias, in quibus frequenter nomina propria personarum aut rerum evulgantur, percurrerem, nusquam alibi ea gignendi casu posita inveni; sed saepe nominativo, saepius dativo si verbum est substantivum vel simplex vel participio passivo conjunctum, et interdum accusativo, sicubi verbum est activum. Ex locis amplius triginta, quae notavi, aliquot subijcio, specimen plantini in hac re loquendi moris.

Alazon graeco huius nomen est Comoediae
Id nos latine *gloriosum* dicimus.

Mil. Glor. I, 1, 8.

Ps. Quid est ei homini nomen? *Syc.* Leno Ballio.

Pseud. IV, 2, 21.

Dic, in ensiculo quid nomen est paternum. *Pol.* Daemones.

Rud. IV, 4, 115.

Quid est tibi nomen, adolescens? *Syc.* Pax, id est nomen mihi.

Trin. IV, 2....

Mihi est Menaechmus nomen.

Men. V, 9, 9.

Huic nomen graece est *Onagros* Fabulae.

Asin. *Prol.* 10.

.... nomen huic est *Thesauro* fabulae.

Trin. *Prol.* 15.

Nam mihi nomen est *Auxilio*.

Cistell. I, sc. 3, v. 6.

Menaechmo idem quod alteri nomen fuit.

Men. *Prol.* v. 48.

Quid dubitas, quin sit paratum nomen puero *Postumus*?

Aulul. II, sc. I, v. 42.

Dinacium! *Din.* Istud indidere nomen majores mihi.

Stich. II, sc. 2, v. 8.

Propterea huic urbi nomen *Epidamno* inditum est.

Men. II, sc. 1, v. 38.

Gelasino nomen mihi indidit parvo pater,

Quia inde jam a pauxillo puero ridiculus fui.

Stich. I, sc. 3, v. 20.

Juventus nomen fecit *Peniculo* mihi.

Men. I, sc. 1, v. 1.

Philemon scripsit, *Plautus* vertit barbare,

Nomen *Trinummo* fecit.

Trin. *Prol.* v. 20.

15. Cogitanti mihi cur in modis loquendi de quibus hactenus disseruimus, nunquam nomen proprium genitivi casu designetur, ratio videtur repetenda tum ex natura ipsius genitivi, tum ex usu communi eloquii. Namque placet uti verbis Laurentii Vallae, *Elegant.* II. 1. « Genitivus omnis (ut taceam, si qui « sint alii modi) aut active, aut passive accipitur: « addé etiam possessive, quod pene pro activo acci- « pio. Active, ut Providentia Dei, Bonitas Dei. Pas-

« sive ut Timor Dei, Cultus Dei. Ibi Deus providet,
 « et benigne agit, non ipsi providetur, et benigne
 « fit: hic timetur et colitur; non timet, nec colit. Pos-
 « sessive, ut Sedes Dei, Regnum Dei. Atque in hujus-
 « modi oratione, ut intellectus apertus, atque unus
 « est, ita in illis ambiguus et anceps: Amor Dei,
 « Charitas patris..... dubium est de utro loquaris,
 « an de amore, quem Deus in nos habet, an de eo,
 « quem nos in eum; de charitate patris in filios, an
 « filiorum in patrem.... »

16. Usus vero *quem penes arbitrium est, et jus
 et norma loquendi*, sensum activum seu possessivum,
 et non alium affixit genitivo pendenti a voce *nomen*,
 tam si genitivus ejusmodi exprimat nomen proprium,
 veluti ille apud Virgilium, de quo supra, *Palinuri
 nomen habebit*; quam si exprimat appellativum, ut
 hic apud eundem *Æn.* V, 563, 564.

Una acies juvenum, ducit quam parvus ovantem
 Nomen avi referens Priamus.

Igitur te cuiquam interroganti, *quod nomen tibi
 est, vel quod nomen habes*, perperam responderes,
Petri; quia sic non tuum sed alterius nomen ederes,
 tamquam si interrogatio esset haec *Cujus nomen est
 tibi?* vel *Cujus nomen habes?* Sic illud Ovid. *Fast.*
 IV, 70. *Adhuc Circes nomina littus habet*, congrue-
 ret interrogationi, *Cujus nomina littus habet?*

17. Quambrem, ad plautinum locum controver-
 sum redeunt, etiam si daremus bistrionem, qui ibi
 loquitur, dixisse, *nomen Mercurii est mihi*, possemus
 contendere id eum joculariter fecisse, ut sic osten-
 deret se non proprium suum nomen prodere sed ima-
 ginarium et scenicum, id est *Mercurii*, sicuti postea
 eodem plane modo joculariter ait se non esse verum

Mercurium et histrionem suum socium non esse verum Jovem, quamvis id per se jam notum ac manifestum esset spectatoribus. Quod ut melius intelligatur ponam ipsa histrionis verba:

Etenim ille coja' hac jussu venio, Juppiter,
Non minus quam vestrum quivis, formidat malum,
Humana matre natus, humano petro,
Mirari non est aequum, sibi si praestimet.
Atque ego quoque etiam, qui Jovis sum filius,
Contagione meae matris, metuo malum.....

18. Caeterum graeci quoque in formulis, quibus nominum impositionem significant, haudquamquam genitivo dant locum, Vid. Matthiam (*Gramm. Grec.* §. 306). Sed cave tamen ei credas ibidem agenti a Graecis differre Latinos, utpote qui genitivum aut dativum admittunt; idque hoc exemplo a se conficto declarat; *Est ei nomen Tullii aut Tullio*. Vid. et *Thesaurum Ling. Graec.* edit. Didot, Voc. ὄνομα, ubi animadvertitur *genitivum non recurrere nisi τοῦ πάππου ἔχων τοῦνομα* (*Avi nomen habens*) Thucyd. 6. Sed hoc Thucydidis, quod legitur libr. cit. cap. 7, exemplum non valet ad regulae exceptionem; si quidem indicatur Pisistratus Pisistrati, tyranni Atheniensium ex filio nepos ideoque, τὸ πάππου est genitivus originis, similisque Virgiliano Aen. V, v. 564 *nomen avi referens Priamus*; nec poterat sine sensus perversione mutari in accusativum appositionis. (Vid. Matthiam §. 414), aut in nominativum (§. 306), uti graece saepe fit etiam in constructione activa.

Liceat hic mihi obiter animadvertere, quod in antiquis editionibus Thesauri Henrici Stephani locum Thucydidis recte citatur ut probetur τοῦνομα pro τὸ ὄνομα non modo a poetis, sed etiam a scriptoribus prosae adhiberi; in editione vero didotiana male trans-

fertur ad constituendam, quam paulo ante dixi nullius momenti, exceptionem. Frequenter hujusmodi genitivus originis, ut apud Latinos, sic et apud Graecos occurrit. Cujus rei exemplum habes in hoc ipso Anthol. Epigr. v. 3. Atque ne alio ab Anthologia discedas, Epigr. 57, v. 1. Cap. XIV. Οὄνομα μητρὸς ἔχω item epigr. 288, v. 1, Cap. XVI, Οὄνομα' ἔχεις Λιβάνου.

19. Contra vero quum nomina appellativa quae imponuntur, fere omnia deriventur ex aliqua aut qualitate aut proprietate, certo generi personarum aut rerum communi; ob respectum ad hanc suam originem non modo possunt, sed non raro etiam debent, ne sensus vitietur, casu genitivo designari. Id facile cognoveris ex Horat. IV, od. IX, v. 45.

Non possidentem multa vocaveris
Recte beatum: rectius occupat
Nomen beati, qui Deorum
Muneribus sapienter uti,
Duramque callet pauperiem pati,
Pejusque leto flagitium timet.

Item. I, Epist. VI, v. 15.

Insani sapiens nomen ferat, aequus iniqui;
Ultra quam satis est virtutem si petat ipsam.

Utrobique poeta utitur genitivo, quia abest dativus attractionis, neque is facile subandiretur; accusativus vero appositionis evaderet ambiguus, quia posset etiam tamquam epitheton referri ad *nomen*. Nemo autem non videt *nomen beati, insani, iniqui* idem esse ac si diceretur nomen hominis ex eorum genere seu numero, qui beati, insani, iniqui vocantur. At bene ponitur dativus, II. Sermon. III. v. 47, 48,

..... Nunc accipe quare
Desipiant omnes, aequo ac tu, qui tibi nomen
Insano posuere.

hic enim adest dativus attractionis *tibi*. At Plinius in illo XII, 30. « Arabiae divitias indicari convenisset, « causasque quae cognomen illi *felicitis et beatae* de- « dere » potuisset pro genitivo adhibere aut dativum, omisso etiam dativo attractionis (*illi*), quia is facile subauditus fuisset, aut accusativum appositionis (*felicitem et beatam*), quippe qui nullum ambiguitati locum fecisset.

20. Quamvis porro liceat nomina appellativa casu genitivo enunciare; saepe tamen iisdem formulis, quibus nomina propria invenies expressa. Cujus rei iis quae supra retulimus, haec addere libet exempla. Edict. Censor. an. ab u. c. 672 apud Suetonium de cl. rhet. cap. 1, et Gell. XV, 11, *Renuntiatum est nobis esse homines, qui novum genus disciplinae insituerunt..... eos sibi nomen imposuisse Latinos Rhetoras.*

21. Non est hoc loco praetereunda formula quam veluti novam duabus illis quas initio posuimus, Gellius subjicit his verbis: « Tertiam figuram novam « hercle reperi apud Pisonem in secundo Annalium. « Verba Pisonis haec sunt: *L. Tarquinius collegam* « *suum, quia Tarquinius nomen esset, metuere,* « *eumque orat uti sua voluntate Romam contendat.* « *quia Tarquinius, inquit, nomen esset, hoc proinde* « *est, tamquam si ego dicam, mihi nomen est Julium.*

Primum omnium animadverto, eos falli, qui in allato Pisonis loco pro *Tarquinius nomen. esset*, legunt, *Tarquinio nomen esset*. Ex hac enim lectione non sequeretur formula, *mihi nomen est Julium*, quam veluti novam deducit Gellius: sed haec notissima cum dativo, *mihi nomen est Julio*, quam antea jam ille proposuerat, et inopportune hic repeteret. Deinde noto hanc tertiam formulam non esse ejusdem generis ac duae praecedentes, siquidem hae ad nomen

proprium personae, illa ad appellativum gentis, seu familiae pertinet. Vox enim *Tarquinius* ibi apud Pisonem est nomen adjectivum gentilicium, uti est *Julium*. Hinc apud Liv. 1, 3. «quem Julium eundem Julia gens auctorem nominis sui nuncupat », et apud Virg. Aen. I, 292. « Julius, a magno demissum nomen Iulo.

Nomen autem saepe ponitur pro gente, genere, familia; sed interdum id fit, ut supra, significantius; quia sic ostenditur nomen per se solum sufficere ad odii offensionisque causam; ut apud Liv. II, 42, « Invisum erat *Fabium* nomen plebi, propter novissimum Consulem. » Itidem II, 2 ubi, ut in allato à Gellio Pisonis loco, agitur de L. Tarquinio Collatino Consule recens creato: « Consul alterius (Collatini) « quum nihil aliud offenderit, nomen invisum civitati fuit. Nimirum Tarquinius regno assuescebat. » Nescire Tarquinius privatos vivere: non placere nomen.... » Et quoniam Collatinus tum genere, tum nomine ad Tarquiniam gentem pertinebat, postea a Bruto distincte vocatur, *regium genus, regium nomen*.

22. Res ipsa, quoniam de nominum impositivorum significandorum modis disputavimus, postulare videtur, ut a grammaticis, quod sciam, non memoratum referam modum, qui habetur Aen. III, 614.

Sum patria ex Ithaca, comes infelicis Ulyssi
Nomen Achemenides.

Ubi certe pro nomine *Achemenides*, quod vulgatis editionibus circumfertur, legendum esse nomen *Achemenides* jam omnes consentiunt eruditi. In veteribus enim, ut ait Pierius, fere omnibus exemplaribus « legere est nomen *Achemenides* et, sicubi nomine scriptum est, id in his exemplaribus quae verisamus, subditivum est, priore abrasa lectione. »

Virgilius itaque pro *nomine* posuit, quod multo hic elegantius est, *nomen*: graecorum constructionem imitatus. Si enim hac in re *ὄνομα* (nomen) quod est accusativus *relationis* saepius usurpant quam *ὀνόματι*, quod est dativus, idem atque ablativus *nomine* apud Latinos. Virgilium sequutus est Ausonius, qui 2 *Edyll.* 1 canit:

Nomen ego Ausonius, non ultimus arte medendi.

Ubi pariter in quibusdam Mss. ab indoctis librariis substitutum est *Nomine ego Ausonius*. Vid. Jac. Tollium ad h. l.

II.

Tabulam. Ita picturam telae illitam vocavi, quod fortasse eorum alicui non probabitur, qui meminerit haec quae Morcellius doctissimus vir praecipit. « Picturas plerique *Tabulas* indiscriminatim appellant, « sive ligno inductae fuerint, sive illitae telae. atqui « Latini illi veteres pictorem in tela pingentem viderunt nullum, et quas dicebant *Tabulas pictas*, « tabulas re vera esse intelligebant, itaque Tullius, « quum peristromata etiam attingere vellet, sic est. « loquutus (4. Verr. c. 1, n. 1): *Nego ullam picturam neque in Tabulis neque textilem fuisse, quin « conquisierit*, quare *Picturae*, quae in linteis sint « recte appellantur, *Tabulae* non item, si veterem « scribendi consuetudinem sequi libet. » (Vol. IV, pag. 257, ed. patav.)

Haec cl. Inscriptionum Magistri et auctoris doctrina nimis rigida videtur. Nam etiam leges, testamenta, et alia scripta priscis temporibus quia ligneis

tabulis exarabantur, *tabulae* fuerunt appellata, idemque nomen postea retinuerunt, licet in quacumque demum alia materia, quam in lignea fuerint scripta. Quamobrem (Dig. Lib. XXXVII, initio Tit. XI) Ulpianus ita nos docet: « *Tabulas* testamenti accipere « debemus omnem materiae figuram, sive igitur *tabulae* sint lignae, sive cuiuscumque alterius *materialiae*, sive chartae, sive membranae sint; vel e « corio alicuius animalis: *tabulae* recte dicuntur. » Igitur si velimus sequi analogiam, cujus, quemadmodum ait Quintilianus (lib. I, cap. 6) haec vis est, ut id quod dubium est, ad aliquid simile, de quo non quaeritur, referat, ut incerta certis probet; non apparet ratio cur picturas telae illitas minus recte dicemus, *tabulas*. Quod in latino idiomate, id et accidit in nostro, quo quidem picturae, quae non a natura materiae, cui inductae sunt sed ab ejusdem materiae figura nominantur *Quadri*, quia ea figura plerumque est quadrata, aut saltem rectos habens angulos et a vulgo fere accepta tamquam quadrata; neque tamen hoc nomen *Quadri* mutatur quum alia prorsus est figura. Praeclare Baldinucius (Diz. Dis. voc. *Quadro*): « Fra' Pittori è presa « comunemente questa voce per ogni sorta di *pittura*, fatta in tela, o legno, o d'altra materia, « che sia *quadra* o d'altra figura; e così far molti « *quadri*, intendono far molte pitture in tele, tavole, « o altre materie quadre, o d'altra figura. »

Quamquam illud ipsum argumentum, quo innitur Morcellius, veteres Latinos pictorem in tela pingentem vidisse nullum, non adeo stabile videtur ut his Plinii verbis infirmari non possit (H. N. lib. XXXV, cap. 33): « Et nostrae actatis insaniam ex pictura « non omittam Nero princeps iusserat colosseum se « pingi CXX pedum in linteo, incognitum ad hoc

« tempus. Ea pictura quum peracta esset in Maianis
 « hortis, accensa fulmine cum optima hortorum parte
 « conflagravit. » Hic igitur Plinius testatur romanos
 spectasse picturam in linteis, et quum prius dixerit
 se suae actatis insaniam ex pictura nolle praeter-
 mittere, perspicuum est illa verba *ignotum ad hoc
 tempus* referenda esse ad effigiem quatenus erat
 ideo colosseam; an vero etiam quatenus picta in lin-
 teo dubitari potest, quia hac de causa opus insani
 hominis vocari potuisse minime videtur. Quapropter
 suspicari licet illud in *linteo* additum fuisse ut sic
 ostenderetur haud difficulter id effectum, quod com-
 mode propter magnitudinem fieri in tabula non po-
 tuisset. Denique etiam si concederetur ante Neronem
 ignotam plane fuisse in tela pingendi rationem, haud-
 quaquam consequeretur non potuisse mox deinde ali-
 quatenus in usum venisse.

Cicero autem agens de Verris rapinis, *Nego*, in-
 quit, *ullam picturam, neque in tabula, neque textili*
(alii legunt textilem) fuisse, quin conquisierit, ins-
pexerit; quod placitum sit, abstulerit. Sic enim com-
 plectitur non solum picturas proprie dictas, quae fiunt
 in tabulis pennicillo et *liquidis*, ut ait Horatius, *colo-*
ribus (IV, Od. 8, v. 7); sed etiam quae acu, aut
 textura fiunt in pannis, quos ipse *ibid cap. 12* vocat
peripetasmata, et nos dicimus *Tappeti, Arazzi*. At-
 que has picturas, ut latini non appellabant *tabulas*,
 sic neque nos appellamus *Quadri*.

